

松滋縣誌卷之第二十三

塚墓

古稱不朽者三金粟石椁弗與焉而憑吊所及感
 慨係之如伯鸞之放乃預為厝元亮之達亦自為
 誌誠重念之矣松之塚墓文定少月而外無稽者
 多矣碑碣無存傳聞多謬名臣之墟死士之壟烏
 從悉紀志之哉爰訪郡乘所已載足跡所常經者
 列誌之

松滋縣誌 塚墓

卷之第二十三

明

伍文定墓 在縣南臺山嘉靖年賜葬

王其勤墓 縣東三里地名王家山父子解元孫進士授兵部侍郎諸墓俱在

龐崇誥墓 在襄口縣東十里金尚書諱秉乾題有神道碑

張僖墓 在縣仁威觀右

毛道成墓 在縣三里

河清塚 在河清寺前塚甚高大凡土人取碑石者輒病

皇塚 在縣東四十里丁家垞高二丈廣十丈餘前有深潭